



NARÓN

Datos do Expediente:

PROCEDEMENTO ABERTO	
Unidade Tramitadora:	
Contratacion e Obras Publicas - PMTD	
Número expediente:	Documento:
CON/108/2017	CON12I1MZ
0Y200A6T5U4S2N6Q0QXX	

RESOLUCIÓN DE ALCALDÍA

Visto o informe proposta emitido polo xefe de sección de Contratación con data 26 de outubro de 2018 en relación co expediente para a contratación da subministración denominada “Mellora da eficiencia enerxética no alumeado público do Alto do Castiñeiro”, en cumprimento do disposto no artigo 117 da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 (en diante, LCSP), no que se establece que:

“Estamos perante un contrato de subministro, definido polo artigo 16 da LCSP.

Con data de 10 de outubro de 2018, o xefe de Servizos Externos emitiu un informe no que se expresa a necesidade da contratación da subministración denominada “Mellora da eficiencia enerxética no alumeado do Alto do Castiñeiro”, actuación incluída no Plan Único de Concellos POS+ 2018, de acordo co disposto no artigo 28 da LCSP.

De acordo co disposto no artigo 116 da LCSP o órgano de contratación xustificou mediante resolución de 15 de outubro de 2018 pola que se inicia o expediente de contratación, a necesidade para a contratación desta subministración, coa que se pretende acadar un maior aforro enerxético e económico, a maiores dunha menor repercusión medioambiental pola produción de enerxía.

O 15 de outubro de 2018 o xefe da Sección de Contratación emitiu un informe sobre a lexislación aplicable e o procedemento que se debe seguir, que, segundo o artigo 131.2 en relación co 145.1 da LCSP será o procedemento aberto con pluralidade de criterios de adxudicación baseados no principio de mellor relación calidade-prezo.

Con data de 16 de outubro de 2018 a interventora emitiu un certificado sobre a existencia de consignación suficiente na aplicación orzamentaria 0018.1650.63300 dos orzamentos en vigor para facer fronte á execución do contrato, así como informa en relación á porcentaxe que supón esta contratación con relación aos recursos ordinarios do orzamento e a competencia desta alcaldía para a citada contratación ao non superar esta porcentaxe o dez por cento do devandito presuposto.



Constan, ademais, no expediente de contratación informe xustificativo da decisión de non dividir o obxecto do contrato en lotes, así como xustificación do valor estimado do contrato con indicación de todos os conceptos que o integran.

Unha vez redactados o Prego de cláusulas administrativas particulares así como o de prescricións técnicas foron incorporados ao expediente.

Incorpórase, así mesmo, un informe xurídico do Secretario Xeral do Concello de Narón de conformidade co disposto no apartado 8 da Disposición adicional terceira da LCSP.

O órgano competente para levar a cabo esta contratación corresponde á alcaldía, de conformidade co apartado primeiro da Disposición adicional segunda da LCSP, e en consecuencia, tamén para aprobar o expediente de contratación e a apertura do procedemento de adxudicación conforme ao artigo 117 do reiterado texto legal.

A aprobación do expediente de contratación leva consigo a do Prego de cláusulas particulares e de prescricións técnicas que rexerán o contrato en virtude do disposto no artigo 116 da LCSP.”

Por todo o exposto e unha vez fiscalizada de conformidade a proposta de aprobación do expediente (CON12I1HR) polo departamento de Intervención de Fondos con data 9 de novembro de 2018 (IGA12I0HH), esta Alcaldía no exercicio das competencias outorgadas pola disposición adicional segunda da Lei 9/2017, de 8 de novembro, de Contratos do Sector Público, vén RESOLVER:

PRIMEIRO.- Aprobar o expediente de contratación, mediante procedemento aberto con pluralidade de criterios de adxudicación, para a contratación da subministración denominada “Mellora da eficiencia enerxética no alumeado do Alto do Castiñeiro”, actuación incluída no Plan Provincial de Cooperación ás obras e servizos de competencia municipal (Plan Único de Concellos) POS+ 2018.

SEGUNDO.- Aprobar o prego de cláusulas administrativas particulares e o de prescricións técnicas que rexerán o contrato para a subministración denominada “Mellora da eficiencia enerxética no alumeado do Alto do Castiñeiro”, por procedemento aberto con pluralidade de criterios de adxudicación.

TERCEIRO.- Autorizar o gasto de 138.849,46 euros que para este Concello representa a contratación do referido subministro con cargo á aplicación orzamentaria 0018 1650 63300 do orzamento deste Concello para o presente exercicio (RC=220180006684 e código de proxecto 2018 2 00000 49).

CUARTO.- Iniciar o procedemento de adxudicación mediante a publicación dun anuncio no perfil do contratante deste concello ubicado na Plataforma de Contratación do Sector Público, para que no prazo de 15 días calquera interesado poida presentar unha proposición.



QUINTO.- Publicar no citado perfil do contratante, de conformidade co artigo 63 en relación co 116 da LCSP, a seguinte documentación:

- Xustificación da necesidade do contrato.
- Prego de cláusulas administrativas particulares e prego de prescricións técnicas.
- Aprobación do expediente.

***Ante min.
(Dou fe da identidade do asinante)***